

Ebe onuzi-eva ni iPọlu o kẹkẹ ghi ẹgbọ ITesalonia Eni e miesuo

¹ Mhẹmhẹ iPọlu ali iSalasi ali iTimoti anye ri ebe ona ghi igbaa oyi eni e mie iJesu iKirisiti suo ni o la eke iṬesalonika, ni e khi ẹgbọ eyi Ẹshinẹgba Ita awa ali iJesu iKirisiti Onomhụ.*

² Mhi lema Ẹshinẹgba Ita awa ali iJesu iKirisiti Onomhụ e mhụ isomhelemhi na ẹ, e ri opfomhẹ na ẹ.

Ikpẹmhi ali Iromhi isosọ

³ Inyoghuo, anye mema ya ke tse Ẹshinẹgba uwegbe na ẹ ẹghẹghẹ kpa. O ti ni anye ke ligho, irari khi irudunga oyeẹ oọ fu sho ẹghẹghẹ kpa. Inono ni a mhụ na egbe oọ fu sho. ⁴ Lọli o zẹ ni anye rọ rẹ ẹ la iteva igbaa nya eyi eni e mie iJesu iKirisiti suo eyi Ẹshinẹgba a neta omose. Eri anye rẹ ẹ neta omose itobọ abi a li dobe ri obọ mu udu migha irudunga oyeẹ elemhi okhọli ali imufe nya ni a mu vule shi ẹ o.

⁵ Enana nya e rokhase khi ezọ oyi Ẹshinẹgba o migha shi ipfuase. Itobọ igho Ẹshinẹgba o ya leli ẹ shi eni e te o, ni e ya lo iloghie oyoli ni a me osoli ẹ shi. ⁶ Ẹshinẹgba o ya gbe azeba, o ya ri osoli fali eni e na ẹ osue ota. ⁷ O ya ri iyemhea na ẹ ni a me osue, o gbo li ri oni iyemhea na anye. O ya riele ona

* **1:1** Li zẹ Ika 17.1

ini iJesu Onomhue o da feli lasele shi idane elemhi avuere, lolu ali igeni eniemhi eyoli. ⁸ O ya na egbo ni ea lese Eshinegba osue, ali eni ea ri usomhi onete oyi iJesu Onomhue gbe akanya. ⁹ E ya me osue. E ghu tiemhi ilimhi irierie. A rue we odalo oyi Onomhue ali ufumhi oniemhi oyoli le.† ¹⁰ Ele ni a ya me ona khi, ogbele ni Onomhue o ya bhale, ni eni e ri udu nga li e ri ikueghie ali ekpe na li. Li shi ee lo, itobo khi a she mie ungmehi ni anye gueye e su.

¹¹ Lolu o ze ni anye roo so iromhi na e, Eshinegba o ze ni a li khi eni e ya la agbo ni oo ghole oli. Ali o ri ekpabo eyoli ri ugbamhi onete ni a mholi bhale ya tse na e, li shi onete ni irudunga oye e o re e ri ele. ¹² Itobo okhale oyi Eshinegba oyawa ali oyi iJesu iKirisiti Onomhue oyawa, a ya rue ufumhi ghi eva oyi iJesu Onomhue oyawa, o li ri ufumhi ghi e.

2

Ona okholo

¹ Inyoghuo, ingme ibhale oyi iJesu iKirisiti Onomhue oyawa, ali abi awa li ya kuma li egbe,* ² a khi ze ni usamhi oye e o nyanya ghagha ku ni a yila. Ini ogbokhoghuo o ririe khi imeke lolu me, okekhi usomhi ona ke o guele, okekhi eri oo khi ebe ni anye keke ghi lolu lue rote ze oli khi ogbele oyi Onomhue o she bhale, ³ a khi ze ni ogbokhoghuo o te ode okhoghuo di e. Irari khi oni ogbele o ya bhale ini aa li me ukpokpomhi imuokhue-vule shi Eshinegba o ali ini ona umhasuo-eso ni o khi ogbo obo o ya feli lase gboo, ikhi oni a mhesa owa ere na. ⁴ O ya mu okholi vule shi emhikpa ni egbo

† **1:9** Li ze Aza 2.10 * **2:1** Li ze 1 iTesa 4.15-17

ẹ lu Ẹshinẹgba, ilitsa ali emhikpa ni ẹgbọ ẹẹ ga ọ, ọ ri ẹgbọli fu doṣe wẹ nya. Ọ gbo ga vu ya shito Ọwa oyi Ẹshinẹgba oyi Ẹshinẹgba ọọ liẹ khi lọli ke khi Ẹshinẹgba.†

⁵ Aa ke sato khi mhi gue ingme ena nya ye ẹ abi mhi ro nu ẹ la? ⁶ Ẹẹ a leṣe emini o ze khi aa roli lasese khaṣe ne, ini ẹghẹghẹ oyi ọna ọkhọlo ọna o da ramhi, a ya roli lasese khaṣe. ⁷ Ama eni ikhiakhiamhi ekpabo ọkhọlo ena e she beṣe ẹ gbe ikanya eyewe, ama oni ọ mu ọli gbaga. Ama oni ọna ọkhọlo ọa ya feli lasese ini oni ọ mu ọli gbaga ọa li lasese ode-a. ⁸ Ẹghẹghẹ agho a ya ri ọna ọkhọlo khaṣe, oni iJesu Ọnomhue ọ ya ri ungmehi ni o roṣe ọli unu lasese pfuse-a. Ugemhi oyoli ini ọ nyene ẹgbe bhale o ya ga pfuse ọli-a nya.‡ ⁹ Ọna ọkhọlo ọna, ọ ya ri ekpabo oyi Ọkphaghie bhale, ọọ gbe ọnyaloa ẹgbhue ali oshabo ododa.§ ¹⁰ Ọ ri udimhi ododa ni e khọlo di ẹgbọ ni ẹẹ pfua. E ya pfua irari khi ẹa lama mie wẹkhi eri e nono igesikia, ni o kha mie wẹ pfuese. ¹¹ Itobo igho, Ẹshinẹgba ọ ro ghie ayemhe ẹgbhọli ghi wẹ, ni ee ro mie emini e khi ẹgbhọli suọ. ¹² A ya pfa ezọ mu ọgbọ ni ọa da mie igesikia suọ ne, ni ọ da mhue ọghuemhe shi olamhe.

A migha gbagbagba

¹³ Anye mema ya ke tṣe Ẹshinẹgba uwegbe ẹghẹghẹ kpa na ẹ, inyoghwo ni Ọnomhue ọ nono. Irari khi ẹẹ Ẹshinẹgba ọ kpe ze ni a ya mie pfuese. Ayemhe oyoli o reṣe khi eni e pfuaṣe, ali eni e mie igesikia suọ. ¹⁴ Roṣe usomhi onete oyanye, Ẹshinẹgba ọ te lu ẹ shi ona. Eri ọ lu ẹ ni a ro mhue

† 2:4 Li ze iDan 11.36; Ezik 28.2 ‡ 2:8 Li ze Aza 11.4 § 2:9 Li ze iMat 24.24

okemhi shi ufumhi oyi iJesu iKirisiti Onomhue oyawa. ¹⁵ Irarigho, inyoghuo, a migha gbagbagba, a mu eni igesikia ni anye sese e mhue abi anye rote itsabo ali elemhi ebe ni anye keke gue oli ye e.

¹⁶ IJesu iKirisiti Onomhue oyawa lueghuo ali Eshinegba Itawa ni o nono ingme oyawa, ni o rote okhale oyoli ri udu shi awa o, ni o gbo ri irudushi ni o ya nighise na awa, ¹⁷ e ka ri udu shi e o, e gbo zese e a shi ikanya ali ingmemhi enete.

3

IPolu oo, a so iromhi na wewe

¹ Ni mhi ro gbe oli ukhomhi inyoghuo, a ke so iromhi na anye. A so iromhi ni ungmehi oyi Onomhue o nyanya ke ga asha kpa, ni egbo e gbo mie oli, ni e ri ufumhi ke ghi Eshinegba, abi a li mie oli abi o ro la e iteva. ² A gbo ke so iromhi Eshinegba o rue anye obo oyi egbo ebe ali ena okholo lasele, irari khi o a khi ogbokpa o miesuo.

³ Ama oni a ri egbe e nga Onomhue o khi. O ya ri itoto na e o khukhu e obo oyi ona okholo. ⁴ Anye regbenga Onomhue khi a ri ele ali khi a kiele e ke ri ele emini anye sese e. ⁵ Mhi lema, Onomhue o ka udu oye e lese inono ni o fune ni Eshinegba o mhue ali ni iKirisiti o re e migha egbegbo.

Ogbogbo o ke gbe akanya

⁶ Inyoghuo, anye ri eva oyi iJesu iKirisiti Onomhue oyawa mhese na e, a ti kia na inyoghuo okhoghuo ni o la agbo owaza ni o ya deba ose se ni anye e sese e. ⁷ E e oye e a lese khi o ti ni a ke li abi anye e li. Anye e a li owaza abi anye ro nu e la, ⁸ wekhi eri anye mie ogbokhoghuo emhi le ni anye

a fali ota shi. Eri anye ri ochoghọ gbe akanya, ọpfo o ta anye ghe ẹlẹ ọguota ali ẹlẹ iyọse, ini anye khi ya khi itsua na ọngeẹ tsua. ⁹ Ọa khi itobo khi anye ẹa tẹ eni ẹ mhila ẹ ikpaghiobo, anye rọ lighọ ngeli. Eri anye lighọ, ni anye khi irọkhọkhọ ni áá ke deba. ¹⁰ Abi anye rọ nu ẹ la, anye gueye ẹ khi, “Ọgbọ ni ọa lama gbe akanya ọ khi le eminale.”

¹¹ Eri anye ngme ona itobo khi anye suọ khi ẹgbọ eghuo e la ẹ iteva ni ẹa lama gbe akanya, ni ẹa ya li emhikhoghuo ama ikanya eyi ẹgbọ elese ẹẹ sọno unu ke pfuẹche-a. ¹² Anye ri eva oyi iJesu iKirisiti Ọnomhụe mhese na ẹgbọ eghoghọ, anye gbo tse agua yewe e ke ngeli angeli ni o te ode. E ke gbe akanya ni e te me emhi ya ke le. ¹³ Ama ẹẹ inyoghuo a khi ze ni onete iriele o susu ẹ.

¹⁴ Ini ọgbọkhoghuo ọ la ọ ni ọa ya ri omhese ni a keke shi ebe ona gbe akanya, a lolo to ọgbọ ọghoghọ okpe. A khi kugbe ọgbọ ọghoghọ ọ, ni omama o mu ọli. ¹⁵ Ama a khi ngeli deba li abi obe ẹ, ama a ri ochoghọ tse agua ye ọli abi inyoghuo.

Ingmemhi ni e kpe ukhokho

¹⁶ Ọnomhụe luẹghuo ni ọ khi ode opfomhe oyawa ọ ka ri opfomhe na ẹ eghẹghe kpa ali ode khi ode. Ọnomhụe ọ ka nu ẹ la.

¹⁷ Mhemhe iPolu mhi ri obo oyemhe keke ebe ona ghi ẹ. Mhi tse ẹ. Ina mhi lie keke eva oyemhe shi ebe ni mhi keke kpa. Ina mhi lie keke ebe.

¹⁸ Okhale oyi iJesu iKirisiti oyawa o ka nu ẹ la nya.

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 21 Feb 2024 from source files
dated 29 Jan 2022

03be06b0-68fd-500b-b9a9-6bca4b63979a